

DON QUIJOTE CONTRA EHERCITO DI "CULTURA" (6)

Aña pasa mi a publica varios comentario bao di e titulo menciona ariba, mustando cu ora cu bringa contra mancho di cultura na Aruba, bo ta bringando contra biento, of cu bo ta ser considera di ta saca tur cos for di fantasia.

Awe atrobe mi ta laga "mi fantasia" repasa mas problema cu tin riba e tereno aki, mirando con Fundacion Centro Cultural di Aruba, cu tabata y por bisa ta te ainda e "orgullo di cultura" di Aruba ta haya sla tras di sla.

E fundacion aki ta esun cu a pone cultura di Aruba riba pia for di prome cu e tabata fundacion caba.

Awe ta mira cu e "Mama di Cultura" ta wordo maltrata pa su yiu y pronto nos lo tende tambe cu "Stichting Cultureel Centrum" lo no ta den Cas di Cultura mas tampoco, pasobra nan no tin espacio pa traha y tur cos ey nan no ta di nan mas tampoco.

"E mama mester bandona su cas" pasobra e yiu UNOCA a ocupa casi tur espacio y e yiu "Stichting Schouwburg tin cucu na carganta di e mama".

Bao di ministerio di Ernesto Petronia como ministro di Cultura, y cu Sr. Jan Beu- jon manchando e fundacion, nunca por a tende di problema.

Despues di 1986, e dolornan a cuminsa ora cu a stop cu Stichting Cultureel Samen- werking (STICUSA) y cu mancho financiero a ser hinca den man di UNOCA.

E fundacion centro cultural "a duna luz na "Stichting Schouwburg pa mancha e teatro di Cas di Cultura, y e fundacion centro cultural "a pari tambe" UNOCA.

UNOCA a bira asina fuerte pa motibo cu tur placa ta den nan man te cu por hasta bisa

cu UNOCA a bira doño di Cultura na Aruba pa haci y deshaci.

Aki naturalmente directiva lo bisa cu mi no sa kico mi ta skirbi, y ami lo bisa di otro banda cu directiva no sa kico e ta haciendo pasobra **NOTA DIRECTIVA** ta dicidi, aunke riba papel ta para esey.

Esey **TUR HENDE SA** y **Ministro di cultura tambe** sa pero e problema ta pa por bay prueba cosnan cu ta asina bunita hinca den otro cu ni un feneta por pasa.

Mi a menciona Ministro di Cultura y esaki lo cay natural- mente riba Ministro Lili Beke.

Ministro Lili Beke di tempo cu el a sinta como ministro te asina leeuw cu mi sa ta haciendo esfuerzo enorme pa por duna **CULTURA** su lugar na Aruba, pero e ministro su man ta mara tambe debi na e palabra "Stichting" e palabra "fundacion". Esaki ta mescos cu henter Aruba ta bula riba **SAC** esaki y **SAC** esaya, pero ningun hende por haci nada debi na e palabra "Stichting".

Pues ora ta papia di e mal mancho pa promove y stimula cultura, den e caso aki e no mester worde tira riba e ministro sino riba e "Stichting".

E "fundacion" cu ta "baas riba tur cos di cas". E fundacion cu por haci y deshaci manera e kier, privilegia esnan cu e kier, y nenga esnan cu e no kier.

Mi a yega di publica di rechazo pa subsidia Mascaruba pa un viaje pa exterior, nenga di subsidia un viaje pa e "tata teatral di Aruba, Sr. Oslin Boekhoudt" cu awe ta un persona masha frustra pa e "schop cu el a haya como danki" pa tur local el a haci pa Aruba riba tereno teatral local y internacionalmente.

Y manera semper mi a bisa, papia cu hendenan riba tereno di cultura, musica, teatro, baile etc. pa bo haya sa cuanto **RABIA** y **ODIO** tin na Aruba riba e mancho di stimula y promove cultura na Aruba.

No papia si cu esnan cu ta ser privilegia, pasobra pa eseynan, bo no mag mishi cu un organizacion cu ta na di dos lugar despues di Dios Tata den cielo.

Mester papia cu e persona cu **NO TIN FAAM**, cu no tin **CIERTO POSICION**, cu no tin cierto push financiero su tras of ta liga cu cierto institucion of empresa financiero, hotelero, turistico, etc.

E hendenan aki pa esnan den e directivanan **DI ELITE** no ta conta pa nada.

Nan mester wordo trata como **LIMOSNERONAN** local nan no kier ta tam- poco.

Actualmente no por haya cupo den Cas di Cultura pa- sobra Stichting Schouwburg tin simannan largo reserva pa compania empresarial cu ta

cumpra shownan di exterior pa bin pasa na Aruba.

Organizacionnan na Aruba no por haya finnan di siman pasobra e restonan ta ocupa pa gruponan elite.

For di December un grupo teatral a puntra pa check dos siman di 3 fecha sigui pa pre- senta un obra teatral, (sabi- endo cu tur fin di siman ta reserva caba) y ta haya como contesta cu mester check e lista pasobra casi tur week- end ta ocupa y mester mira kico tin. "Otro siman lo bo tende".... Pues, te awe ta sperando riba contesta pa sa kico tin, mientras ta tende cu otro grupo si mesora a haya dos fin di siman habri pa aki algun luna, y esey ta cos di ultimo dianan.

Pa esnan cu kier sa ta cual grupo ta sperando, mi por bisa cu ta di mi mes grupo y te awe ta sperando contesta.

No ta pasa casi ningun dia cu mi no ta ser puntra "ki dia bo tin cabaret picante atrobe", y mi tin cu contesta "puntra e **HENDENAN DI ALTA- SOCIEDAD** den e funda- cionnan **ELITE**."

Por menciona hopi pero hopi di loka ta pasando riba tereno di cultura y yena paginan yen, pero bo ta brignando contra "Angelnan cu tin in- fluencia tur caminda".

Un caso cu a caba di drenta mi cabez por ehemplo ta **DE TRUPIALEN**. Kende no conoce e organizacion aki. Cu masha dolor nan a logra haya un subsidio pa instru- mento musical y cu **ME- STER PAGA 20 pa 25 %** back despues di 3 aña. Otro peticion tanto luna pas atrobe riba asunto di instrumento a ser rechaza. Pero si mira e lista financiero di 1994 ta mira cu un persona ta haya decenas di mil florin pa in- strumentonan musical, y un organizacion infantil, di mucha, conoci pa tur hende riba nos isla tin cu bira **LI- MOSNERO**. Asina por sigui.

Awe ta cabez di "Stichting Cultureel Centrum" ta bao di guillotina, di mi ta bao di guillotina añanan largo caba, pero di kende lo cay mañan ?

Juby

TiteFit

Unlimited N.V.

DISTRIBUIDOR EXCLUSIVO DI
LEONISA INTERNATIONAL

TA PRESENTA SU

**Explosion
Sale '96**



LINEA
deportiva



infantil

**ZWEMBROEK Y BADPAKKEN NA PRIJSNAN
DI KITA SOMBRE !**

**PANTOFFELS, DETERGENTE, PERFUME,
PANTIES, BRA'S,
Y HOPI MAS...!**



*M*asculina

**Feb. 24
te Maart 4
1996**

Leonisa



**BINI UNO,
BINI TUR..!
NOS TA
WARDABO...!**

PROSALCO N.V.

Olijfistraat #23-A Tel: 22926

TA BUSCA

- 1 Salesman (pa core ruta) (Masculino)
Mester tin experiencia
Minimo 25 aña
Nacionalidad Hulandes of permiso di trabao
2. Merchandiser: (pa traha Supermarket) (femenino)
Mester tin experiencia
Minimo 20 aña
Nacionalidad Hulandes of permiso di trabao
Auto propio

Solicita personalmente awe.